



010000, Нұр-Сұлтан к., Бейбітшілік к-сі, 11 үй  
тел.: 55-66-31, 55-66-35, факс: 55-72-94

010000, г. Нур-Султан, ул. Бейбитшилик, 11  
тел.: 55-66-31, 55-66-35 факс: 55-72-94

№  
27.08.2022 № 6 ге

**Түрақты комиссияның  
2022 жылғы 27 тамыздағы  
қаулысы**

**Қала әкімінің жоғары  
және жоғары оқу орнынан  
кейінгі білім алуға  
арналған гранттары  
туралы**

Нұр-Сұлтан қаласы мәслихатының әлеуметтік-мәдени даму мәселелері жөніндегі түрақты комиссиясы (бұдан әрі – түрақты комиссия) жергілікті атқарушы органдың қала әкімінің жоғары және жоғары оқу орнынан кейінгі білім алуға арналған гранттары туралы акпаратын тыңдалап және талқылай отырып, мыналарды атап өтеді.

Нұр-Сұлтан қаласы әкімдігімен 2022-2026 оқу жылына жоғары және жоғары оқу орнынан кейінгі білімі бар кадрларды даярлауға 1206 білім беру гранты бөлінді, оның ішінде:

- педагогикалық мамандықтар бойынша бөлінген 1050 гранттың 466-сы игерілді (44%), 584-і игерілмеген (56%);
- гуманитарлық пәндер бойынша - 28 грант бөлінді, игерілгені 100%.
- медициналық мамандықтар бойынша 128 грант бөлінді (резидентура).

Сонымен қатар, Қазақстан Республикасы Үкіметінің № 264 және 58 Қаулысына сәйкес жоғары оқу орындарына окуға түсу кезінде қабылдау квоталары ескерілді, олар:

- 1) бірінші немесе екінші топтағы мүгедек адамдар, бала кезінен мүгедектер, мүгедек балалар үшін – 1% (10 адам);
- 2) ауылдың әлеуметтік-экономикалық дамуын айқындастын білім беру бағдарламалары бойынша окуға ауыл жастары арасынан шыққан азаматтар үшін – 35% (367 адам);
- 3) Қазақстан Республикасының азаматтары болып табылмайтын ұлты қазақ азаматтар үшін - 4% (42 адам);
- 4) жетім балалар мен ата-анасының қамқорлығынсыз қалған балалар, сондай-ақ кәмелетке толғанға дейін ата-анасынан айырылған немесе ата-анасының қамқорлығынсыз қалған жастар қатарындағы Қазақстан Республикасының азаматтары үшін - 1% (10 адам);
- 5) Үкімет айқындаған өнірлерге қоныс аударған ауыл жастары арасынан шыққан Қазақстан Республикасының азаматтары үшін - 5% (25 адам);

000125

6) төрт және одан да көп кәмелетке толмаған бала тәрбиеленетін отбасылардан шыққан балалар үшін – 5% (52 адам);

7) толық емес отбасылар қатарындағы, осы мәртебеге кемінде үш жыл ие балалар үшін – 1% (10 адам);

8) бала кезінен мүгедек балаларды, бірінші немесе екінші топтағы мүгедек балаларды тәрбиелеп отырған отбасылардан шыққан балалар үшін – 1% (10 адам).

Нұр-Сұлтан қаласының мәслихаты бекіткен Астана қаласында әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың 2017 жылғы 12 желтоқсандағы № 221/25-VI қағидаларына сәйкес ағымдағы жылғы жалпы білім беретін мектептердің түлектеріне Нұр-Сұлтан қаласының жоғары оқу орындарында күндізгі оқу нысанына ақы төлеу үшін әлеуметтік көмек ұсынылады, олардың қатарында:

- жетім балалар;
- балалар үйлерінің түлектері;
- бала кезінен мүгедектер;
- ата-анасының қамқорлығынсыз қалған балалар;
- көп балалы отбасылардан шыққан балалар (оның ішінде ағымдағы жылды кәмелеттік жасқа толған үлкен бала білім беру үйымдарына күндізгі оқу нысанына түскенге дейін).

Қаланың жоғары оқу орындарында күндізгі оқу нысаны бойынша ақы төлеуге әлеуметтік көмек оқудың нақты құны мөлшерінде 4 ең төмен күнкөріс деңгейінен (2022 жылдың 3 тоқсанында ең төмен күнкөріс деңгейі (47 522 теңге) – 190 088 теңге) аспайтын жан басына шаққандағы орташа табысы болған жағдайда ақшалай төлем түрінде ұсынылады. 2022-2023 оқу жылына жергілікті бюджеттен 105,5 млн. теңге бөлінді. Ағымдағы жылды азаматтардың жекелеген санаттары ішінен 185 түлекті оқыту жоспарланған.

Осы оқу жылдың басында 47 өтініш қабылданды, оның ішінде: 19 - ы республикалық грантқа өтті, 28 өтініш комиссияның қарауында (азаматтардың келесі санаттары бойынша: 1 – мүгедек бала, 2 - жетім, 25 - көп балалы отбасылардан шыққан балалар).

Отырыс барысында грант бойынша окуга түскен студенттерді оқыту шартының талаптарын қайта қарау қажеттілігі атап өтілді. Атап айтқанда, студенттерді одан әрі жұмысқа орналастыру, оларды түрғын үймен қамтамасыз ету және мамандығы бойынша қызмет жасау үшін басқа да жағдайлар жасау.

Сондай-ақ, 2018-2020 оқу жылында грант бойынша түскен жоғары оқу орындары түлектерінің жұмысқа орналасуына жүргізілген талдау нәтижелері айтылды. 19 500 түлектің 7 600-і ресми түрде жұмыс істейді, олардың 23% - ы ғана алған мамандығы бойынша жұмыс істейді.

Жоғарыда баяндалғаның негізінде, Нұр-Сұлтан қаласы мәслихатының әлеуметтік-мәдени даму мәселелері жөніндегі тұрақты комиссиясы  
**ҚАУЛЫ ЕТТИ:**

1. Қала әкімінің жоғары және жоғары оқу орнынан кейінгі білім алуға арналған гранттары туралы ақпарат назарға алынсын.

2. Нұр-Сұлтан қаласының әкімдігіне (Нұр-Сұлтан қаласы әкімінің жетекшілік ететін орынбасарына):

1) кәсіпкерлер палатасын, еңбек қауымдастықтарын, мүдделі мемлекеттік органдар мен ұйымдарды тарта отырып, гранттар берілетін мамандықтар тізбесін қайта қарau;

2) грант бойынша окуды аяқтаған студенттерді одан әрі жұмысқа орналастыру, оларды тұргын үймен қамтамасыз ету және мамандығы бойынша қызмет жасау үшін өзге де жағдайлар жасау бойынша ұсыныстар енгізу;

3) мектептердің 9 және 11-сыныптарында оқитын жоғары оқу орындарында күндізгі оқу нысанына ақы төлеу үшін әлеуметтік көмек алушылар санатына жататын мектеп түлектерінің саны туралы мәліметтер ұсыну;

4) жоғары және жоғары оқу орнынан кейінгі білім алуға, оның ішінде жоғары оқу орындарында күндізгі оқу нысанына ақы төлеу үшін әлеуметтік көмек алушылар санатына жататын азаматтар арасында қала әкімінің гранттарын беру саласында жүргізілетін ақпараттық жұмыс туралы ақпарат ұсыну;

5) Жұмыспен қамту орталығының жұмысын кеңейту жөнінде шаралар қабылдау ұсынылсын.

3. Осы қаулының орындалуы бойынша ақпарат қалалық мәслихатқа бір ай мерзімде ұсынылсын.

**Нұр-Сұлтан қаласы мәслихатының**

**әлеуметтік-мәдени даму мәселелері жөніндегі**

**тұрақты комиссиясының төрағасы**

**А. Табулдина**